

11

O tifen guir an Iliz
 Euz bet tud euz hor bro ;
 Pell dious lanneier Breiz
 E kadjont ar maro.
 Ni n'oump ket tud a vrezel,
 Mes rei reomp aluzen,
 Hag o vont d'an Tad Santel
 Hor guennek zo laouen.

12

Astennit-ta ho tivreaç'h
 Aziç'h ar Frans, ho pro,
 Deuit, Guerc'hes, parit enn neac'h
 Eyel goarek ar glao.
 Ar goarek-se ziskoueze
 Ne vije mui dour-beuz,
 Hag e tistro gras Doue
 D'ar re a ziskouez keuz.

13

Salaun, var skour he vezen,
 Evit kaout he vara,
 Ne lavare ken peden
 Nemet : O Maria !...
 Emaomp en Ilis Santel
 Savet var bez ar foll,
 Mari ! Ni deu d'ho kervel ;
 Mirit n'ez aimp da goll !

(Droits réservés)



KANTIK

PELERINET AR FOLGOAT

Diskan :

Patronez dous ar Folgoat,
 Hor Mam hag hon Itroun,
 An dour en hon daoulagat,
 Ni ho ped a galoun !
 Harpit an Iliz santel !
 Avel diroll a ra...
 Tenn hag hir eo ar brezel !
 Ar peoc'h ô Maria !

1

Euz an Arvor, ar gourre,
 Ni deu d'ho saludi ;
 Oll ez omp ho pugale,
 Oll ho karomp, Mari.
 Tud ar gourre, Arvoriz,
 Diredet omp hirio
 Da bedi 'vit an Iliz,
 Da bedi 'vit hor bro.

2

E Rom hag e kals broïou.
 Eo goasket an Iliz ;
 Peur-laeret eo he madou
 Gant enebourien kriz,
 Hirra ma c'heller guelet,
 Er mor euz tarziou guen,
 Bagik sant Per zo strinket,
 Euz eur garrek d'eben.



Mar doc'h Mam ar Gristeniën,
 Ma karit an Iliz,
 Eb dale deuit da zifen
 Ho pugaligou geiz.
 Araok ez a ho labour
 Gant bugale Satan...
 Mal eo d'eoc'h dont d'hor sikour
 A d'hon tenna a boan.

Diouallit na lavarfe
 An dud fall zo er bed ;
 Guechal ez oa Mam Doue
 Dous hag eaz da garet ;
 He diskouarn a ioa tano,
 Klevet a rea raktal,
 Hirio ez eo pounner-gleo,
 Outhi eo ret krial.

Nan, nan... Oh ! tavit pelloc'h,
 Rag Mari, tud difeiz,
 Morse na d'eo bet tomoc'h
 He c'haloun en he c'breiz ;
 Guelet eo bet o lenva
 Var gern ar meneziou,
 Bemdez e ma o paea
 Hon dle gant he daelou.

Ar pastor hag an denved
 O dezo eun hean ;
 An aour pa vez peur-garzet
 A denner euz an tan.
 Bremaik Jesus a roio
 He dra da bep hini :
 D'ar re fall poaniou garo,
 Ar peoc'h da dud Mari.

Araok mont kuit, ô Mari,
 Ni ra eur goulen all,
 Nikun n'efse niveri
 Oll gouliou Bro-C'hall :
 Peleac'h e ma he gened,
 He nerz, he vaillantiz ?
 Pegen izel eo kouezet
 Merc'h hena an Iliz ?

Patronez dous ar Folgoat,
 Hor Mam hag hon Itroun !
 An dour en hon daoulagat
 Ni ho ped a galoun,
 Ar Frans zo bras he enkres
 Mont a rai da netra...
 Outhi sellit a druez...
 Truez, ô Maria !

Bras eo bet hor pec'hejou,
 Dister hor pinijen ;
 Rak-se e dourn an Aotrou
 E chom ar vialen.
 Ret eo gounit hor barner
 Pe divoada er pri,
 Allaz ! n'hellomp hen ober
 Nemet dreizoc'h, Mari !

Peli zo c'hui zo bet choazet
 Evit hor rouanez ;
 E neb bro n'o peuz kavet
 Teneroc'h karantez.
 Tud fidel a vandennou
 A deu d'ho kaout bep bloaz,
 A var hent ho chapelioù
 Ne jom eur iecten c'hlaz.